



საქართველოს მთავრობის დადგენილება

N 125 2016 წლის 17 მარტი ქ. თბილისი

„სამხედრო სადისციპლინო წესდების დამტკიცების შესახებ“
საქართველოს მთავრობის 2014 წლის 3 ნოემბრის №615 დადგენილებაში
ცვლილების შეტანის თაობაზე

მუხლი 1. „ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „სამხედრო სადისციპლინო წესდების დამტკიცების შესახებ“ საქართველოს მთავრობის 2014 წლის 3 ნოემბრის №615 დადგენილებაში (www.matsne.gov.ge, 05/11/2014, 120050000.10.003.018235) შეტანილ იქნეს ცვლილება და:

1. დადგენილების მე-2 მუხლი ჩამოყალიბდეს შემდეგი რედაქციით:

„მუხლი 2. ამ დადგენილების ამოქმედებიდან ერთ თვეში საქართველოს შინაგან საქმეთა მინისტრმა უზრუნველყოს შემდეგი ბრძანებების გამოცემა:

ა) სამხედრო სადისციპლინო წესდებით გათვალისწინებული ოქმებისა და დისციპლინური საქმისწარმოებისათვის სხვა საჭირო დოკუმენტების ნიმუშების დამტკიცების თაობაზე;

ბ) საქართველოს შინაგან საქმეთა სამინისტროს სისტემაში ადმინისტრაციული პატიმრობის ადგილების (ჰაუპტვახტის) ფუნქციონირების შესახებ ინსტრუქციის დამტკიცების თაობაზე.“.

2. დადგენილებას დაემატოს შემდეგი შინაარსის 3¹ მუხლი:

„მუხლი 3¹. სამხედრო სადისციპლინო წესდება ვრცელდება საქართველოს თავდაცვის სამინისტროს სისტემის სამხედრო მოსამსახურეებზე, საქართველოს თავდაცვის სამინისტროს სისტემის სამხედრო მოსამსახურეთა სამხედრო სადისციპლინო წესდებით გათვალისწინებული წესით.“.

3. დადგენილებით დამტკიცებული წესდების:

ა) მე-4 მუხლის „ბ.ა“ ქვეპუნქტი ამოღებულ იქნეს;

ბ) მე-4 მუხლის „ლ“ ქვეპუნქტი ჩამოყალიბდეს შემდეგი რედაქციით:

„ლ) სამხედრო მოსამსახურე - საქართველოს მოქალაქე, საქართველოში სტატუსის მქონე მოქალაქეობის არმქონე პირი ან უცხო ქვეყნის მოქალაქე („სამხედრო ვალდებულებისა და სამხედრო სამსახურის შესახებ“ საქართველოს კანონის მე-5 მუხლით დადგენილ შემთხვევაში), რომელიც სამხედრო სამსახურს გადის სამხედრო უწყებებში, აგრეთვე სამხედრო სარეზერვო სამსახურში გაწვეული პირი სამხედრო სარეზერვო სამსახურის გავლისას;“;

გ) მე-7 მუხლის მე-3 პუნქტი ამოღებულ იქნეს;

დ) 43-ე მუხლის შენიშვნა ამოღებულ იქნეს;

ე) 221-ე მუხლის შენიშვნის პირველი პუნქტი ამოღებულ იქნეს;

ვ) 269-ე მუხლის პირველი პუნქტი ჩამოყალიბდეს შემდეგი რედაქციით:

„1. სამთავრობო დაწესებულების სამანდატო კომისიები იქმნება შესაბამისი სამთავრობო დაწესებულების ხელმძღვანელის ან მის მიერ უფლებამოსილი ორგანოს (თანამდებობის პირის) ინდივიდუალური ადმინისტრაციულ-სამართლებრივი აქტით.“;

ზ) 279-ე მუხლის პირველი პუნქტი ჩამოყალიბდეს შემდეგი რედაქციით:


„1. ღირსეული საქციელის ან დისციპლინური გადაცდომის ჩადენის შემთხვევაში, შედგება ოქმი საამისოდ უფლებამოსილი მეთაურის (უფროსის) მიერ.“;

თ) 321-ე მუხლი ჩამოყალიბდეს შემდეგი რედაქციით:

„**მუხლი 321.** დადგენილება, წახალისების სახის შეფარდების ან დისციპლინური პასუხისმგებლობის ზომის დაკისრების შესახებ, აღსრულდება საამისოდ უფლებამოსილი ორგანოების (თანამდებობის პირების) მიერ ამ წესდებითა და საქართველოს კანონმდებლობით დადგენილი წესებით.“.

მუხლი 2. დადგენილება ამოქმედდეს გამოქვეყნებიდან 30-ე დღეს.

პრემიერ-მინისტრი



გიორგი კვირიკაშვილი